

## Angeles City Science High School


### ESP 10

Name: Paul Gerald D. Pare

Section: 10-Hawking

### Tuklasin

**Panuto:** Picture Analysis. Pag-aralan at siyasating mabuti ang mga larawan. Pansinin kung ano ang pagkakaiba ng mga ito sa isa't isa. Itala ang mga napansing pagkakaiba sa larawan. Gawin ito sa sagutang papel.



Makikita natin sa kaliwang larawan na masigla at mabuti pa sa kanilang mga kalagayan ang mga puno. Mapapansin naman natin sa kanan ang kabaligtaran nito, ang epekto ng deforestation o pagputol ng mga puno. Wala ng silbi ang mga puno na ito bilang tahanan sa mga ibang hayop.



Mapapansin natin ang dating estado ng kanilang lugar na may puno, lupa, at mga natural na kayamanan. Sa kanan naman na larawan ay makikita natin ang lugar nila sa kasalukuyan na puno ng mga pabrika at puno na ng dumi ang kanilang kapaligiran.

3.



Katulad ng sa una at ikalawang larawan, mapapansin natin na masagana at maayos pa ang kalagayan ng mga puno pati na rin ng kapaligiran. Ngunit makikita natin sa kanan na nawasak ang kanilang kagubatan at hindi na rin maayos ang kapaligiran nila dahil sa deforestation o pagputol ng mga puno.

## Suriin

**Panuto:** Gamit ang konseptong iyong natutuhan, ipaliwanag ang mensahe ng larawang nakikita mo sa ibaba. Pagkatapos, sagutin ang gabay na tanong. Gawin ito sa sagutang papel.



Base sa larawang ipinakita, sumisimbolo ito na tayo, ang mga tao, ay may kaukulang responsibilidad na kailangan nating gampanan. Ang responsibilidad na ito ay ang protektahan ang ating kapaligiran at alagaan ang mga halaman at puno na ating makikita. Isa ito sa mga responsibilidad na itinalaga sa atin pagkapanganak pa lamang natin. Tayo lamang ang may kakayahan na protektahan sila at alagaan para

sa mga susunod na henerasyon. Kung aalagaan natin ang kapaligiran at poprotektahan natin ang mga halaman at puno, nabibigyan din natin ng halaga ang ating minamahal na mundo.

### Gabay na Tanong:

Bakit mahalagang pangalagaan ang ating Inang Kalikasan?

Mahalagang pangalagaan natin ang ating Inang kalikasan upang mapreserba ito para sa mga susunod na henerasyon. Kailangan nating bigyang halaga kung saan tayo nakatira at kung sino ang nagpapabuhay sa atin. Ang ating kapaligiran ang siyang tanging nagbibigay ng natural na kayamanan at tanging bumubuhay sa lahat ng mga nabubuhay sa ating mundo. Kung wala na ang mga ito, kailangan nating lumipat sa ibang planeta at kalimutan ang mga nilalang sa ating mundo sa kasalukuyan.

### Pagyamanin/Isagawa

**Panuto:** Bumuo ng isang Advocacy Campaign tungkol sa kalikasan sa pamamagitan ng paggawa ng simbolo na nagpapakita ng malinaw na mensahe ng kalikasan. Ipaliwanag ang mensahe sa ilalim ng simbolo na iyong ginawa.gawin ito sa isang bond paper. Gawing batayan ang rubrik sa pagmamarka bilang gabay sa pagtupad ng gawaing ito.



Para sa nagawa kong poster bilang Advocacy Campaign, makikita natin ang iba't ibang aspeto. Sa gitna, makikita natin ang Earth na pinapalibutan ng icon ng 3R's na dapat nating gawin. Ang mga nakasulat sa 3R's icon ay hindi ang 3R's mismo kundi ang mga dapat nating gawin upang mapangalagaan natin ang ating kapaligiran.

Para sa "conserve" na nasa kaliwa, makikita natin ang iba't ibang bagay at paraan kung paano tayo makakapagkonserba ng mga natural na kayamanan. Isa sa mga paraan kung paano tayo makakapagkonserba ay gamitin lamang kung ano ang ating kinakailangan. Isara ang gripo kapag hindi na natin kailangan ng tubig, tanggalin sa pagkakasaksak ang mga appliances, gumamit ng mga paper bag imbes na plastic upang bumawas ang polusyon na napoprodyus ng mga plastic sa ating kapaligiran.

Makikita naman natin sa itaas ang "protect", ito ang mga iba't ibang paraan at mga dapat at di-dapat na gawin upang maprotektahan ang mga endangered species. Huwag tayong manghuli ng mga endangered species dahil kakaunti na lamang sila. Makikita natin ang iba't ibang mga hayop na nasa kasulukuyan ay tinataguriang "Endangered species". Dapat tayong mag-ingat at protektahan natin ang mga ganitong uri ng mga hayop.

Ikahuli naman ay ang "preserve", dito naman ay dapat nating pangalagaan ang mga puno't halaman sa kagubatan. Iwasan natin ang deforestation pati na rin ang pagkalbo ng mga burol. Matagal tumubo ang mga puno, karaniwan silang lumalaki ng mga anim hanggang sampung dekada. Kaya mahalagang protektahan natin sila at sila lamang ang makakabuhay sa atin at sa ibang mga hayop sapagkat kailangan natin ng oxygen upang mabuhay.